

欽定大清會典事例

欽定大清會典事例卷一千七十六

太常寺

禮節

遣官祭皇帝親祭 歷代帝王廟禮節

皇帝

時巡親祭 歷代帝王廟禮節  
巡幸所經遣官祇告 歷代帝王廟禮節

陵寢禮節 恭逢慶典遣官祭 歷代帝王廟禮節

皇帝親祭

歷代帝王廟禮節。先二日禮部尚書一人詣犧牲

所視牲如儀致齋書祝版視割牲視祝版儀與

先農壇同。先一日太常寺官入廟潔蠲殿宇內外藉

以椶薦拂拭

神座工部官張

御幄於景德門外階下之左南嚮夜分太常寺卿率屬入具器陳

正殿中龕三案西一龕二案東第二龕一案餘四龕皆三案每位爵三實酒每案登一釧簋簋各二遷豆各十其前皆設香案一各鑪一鐙二每龕牛一羊一豕一殿中少西設案一北嚮供祝版東設一案西嚮西設一案東嚮分陳每龕尊一每案香盤一虛爵三每位禮神制帛一白設福胙於東案尊爵之旁加爵一凡牲陳俎帛每案

同篚。尊實酒。承以舟。疏布冪勺具。兩廡東設案。十。各釧二。簋各一。籩豆各四。每位爵三。實酒。統羊二。豕二。前設香案四。各鑪一。鐙二。又設案於南北嚮。陳尊二。香盤四。虛爵十二。素帛四十。一。俎篚冪勺具。西廡帛四十。餘陳設同。鑿儀衛官設洗於黃幄外。樂部率太常寺協律郎設中和韶樂於殿外階上。分東西懸。陳樂舞於樂懸之次。如常儀。太常寺博士引禮部侍郎一人入廟省視。

正殿牲帛粢盛及籩豆登釧之實。畢。次詣兩廡周視。

如儀行禮位。殿門內正中為

皇帝行禮拜位。北嚮階下甬道左右為分獻官拜位。  
北面陪祀王公位階上。東西各二班。百官位階  
下分獻官之南。東西各五班。重行異等。均北面。  
東位西上。西位東上。執事位。司拜褥鑿儀衛官  
二人。立於

皇帝拜位之左稍後。太常寺司祝一人。立祝案西。司  
香十人。司帛十人。司爵十人。光祿寺卿二人。太  
常寺贊答福胙一人。立東案之東。司香八人。司  
帛八人。司爵八人。侍衛二人。立西案之西。侍儀

禮部尚書侍郎各一人。都察院左都御史副都御史各一人。樂部典樂一人。立東西案之南。太常寺典儀一人。於殿左門外立。司樂協律郎樂工歌工舞佾於階上。樂懸東西序立。記注官四人。於西階下序立。糾儀御史禮部祠祭司官各二人。於陪祀王公拜位之次序立。又御史二人。祠祭司官二人。鴻臚寺官二人。於陪祀百官拜位之次序立。掌燎官率燎人立於燎鑪之隅。其日五鼓。步軍統領率所部清蹕除道。自

西華門至廟門

御道左右途巷皆設布幃。鑿儀衛陳。

法駕鹵簿不陪祀。王公百官朝服咸會。祇候送。

駕如儀。日出前六刻。司祝恭請祝版。設於祝案。太常

寺卿赴。

乾清門奏時。

皇帝御祭服乘禮輿出宮。前引後扈如常儀。

駕發警蹕。

午門鳴鐘鼓。

駕出西華門。導引樂前引不作。提鑪執鎧官左右騎

導如詣。

先農壇之儀。

駕將至。鴻臚寺官豫引陪祀王公於廟門外序立。候  
駕至。隨入。太常寺贊禮郎豫引兩廡分獻官四人於  
景德西側門外序立。陪祀百官按班入景德東  
西側門。豫於行禮位稍南東西序立。祇候。

駕至。由廟中門入。降輿。右贊引左對引太常寺卿二  
人恭導。

皇帝入幄。次少俟。太常寺卿奏請行禮。

皇帝出次盥。壑儀衛官跪奉盥奉巾如儀。司拜褥官  
豫布拜褥於殿門內正中。贊引對引官恭導。



皇帝入景德中門。升中階進殿中門。至拜位前北嚮立。前引內大臣止立殿檐下。提鎮官執鎧官侍衛止立階下。後扈大臣隨侍。贊禮郎引分獻官東西各二人於甬道左右。鴻臚寺官引陪祀王公升東西階。引陪祀百官於廟庭左右。均就拜位北面序立。典儀贊樂舞生登歌。執事官各共乃職。武舞執干戚進。贊引奏就位。

皇帝就位立。典儀贊迎。

神左司香二人。右司香一人。奉香盤東西趨進。均折而北。詣中一龕。

三皇香案前。左司香七人。右司香六人。奉香盤分詣各龕香案前。祇候司樂贊舉迎。

神樂奏擊平之章。樂作。贊引奏就上香位。暨對引官恭導。

皇帝詣

太昊伏羲氏香案前。對引官至祝案前止立。司香跪進香。贊引奏上香。

皇帝上炷香。三上辨香畢。以次詣

炎帝神農氏

黃帝軒轅氏香案前。上香儀同。左右各龕司香跪上

香畢。皆退。贊引奏復位。暨對引官恭導。

皇帝復位。奏跪拜興。

皇帝行二跪六拜禮。王公百官均隨行禮。樂止。典儀贊奠帛爵。行初獻禮。有司揭尊罍。勺挹酒實爵。司帛奉篚。司爵奉爵。以次詣各

神案前。司樂贊舉初獻樂。奏興平之章。司樂舉節。舞千戚之舞。司帛跪獻篚奠於各案。三叩興。司爵立獻爵於各墊中。退。贊禮郎引分獻官升東西階詣兩廡。以次跪上香畢。興立香案前。執事官奠帛獻爵如儀。皆退。司祝至祝案前跪。三叩。奉

祝版跪案左樂暫止贊引奏跪。

皇帝跪羣臣皆跪贊讀祝司祝讀祝讀畢興奉祝版跪安

太昊伏羲氏神位前篚內三叩興樂作贊引奏跪拜興。

皇帝率羣臣行三拜禮興贊禮郎引分獻官降階復位樂止武功之舞退文舞執羽籥進典儀贊行亞獻禮司樂贊舉亞獻樂奏崇平之章舞羽籥之舞司爵奉爵以次詣各案前恭獻於左兩廡贊禮郎引分獻官分獻如初樂止典儀贊行終

獻禮。司樂贊舉終獻樂。奏恬平之章。司爵獻爵於右。兩廡隨分獻。均如亞獻儀。樂止。文德之舞退。太常寺贊禮郎一人。少前西面立。贊答福胙。光祿寺卿二人。奉福胙至。

太昊伏羲氏位前拱舉退。祇立於

皇帝拜位之右。侍衛二人。進立於左。贊引奏跪。

皇帝跪。左右官皆跪。奏飲福酒。右官進福酒。

皇帝受爵拱舉。授左官。次受胙。如飲福之儀。奏拜興。

皇帝三拜興。又奏跪拜興。

皇帝率羣臣行二跪六拜禮。典儀贊徹饌。司樂贊舉

徹饌樂。奏涓平之章。徹畢。樂止。典儀贊送。

神司樂贊舉送。

神樂奏匡平之章。贊引奏跪拜興。

皇帝率羣臣行二跪六拜禮。興。樂止。典儀贊奉祝帛。

饌送燎。司祝司帛各詣。

神案前。咸跪三叩。司祝奉祝。司帛奉篚。興。司香跪奉香。司爵跪奉饌。興。以次由中道出。恭送燎所。

皇帝轉立拜位旁。西嚮。俟祝帛過。

皇帝復位立。兩廡祝帛。饌均送焚燎。太常寺贊禮郎引分獻官退。鴻臚寺官引陪祀王公百官均退。

立拜位東西旁。樂作。樂章與上同。贊引奏禮成。恭

導

皇帝仍由景德門中門出。升輿。

法駕鹵簿前導。導迎樂作。奏祐平之章。不陪祀王

公百官仍朝服祇候

駕至跪迎

午門鳴鐘。樂止。王公隨

駕入。至內金水橋。恭候

皇帝還宮。各退。太常寺官徹

乾清門齋戒牌。銅人送寺。○順治二年定祭

歷代帝王祀以太牢。祭筵各一。祭品各二十四。

配位祀以少牢。二位。祭筵一。祭品十。○康熙六十

一年定。

正殿每代設籩豆一案。五帝龕統設三案。共十六案。

其禮神制帛。仍每位一端。每案設帛篚一。兩廡

四位共一案。末案三位共一案。

護案同治四年  
議准。散宜生高

先配。饗。兩廡各增一位。素帛每位一端。兩廡各增帛篚二。

並增香案二。鑪二。其上行儀。

皇帝親祭一上香。遣官致祭三上香。○雍正二年。

世宗憲皇帝親祭



帝王廟改從三上香儀。○又

諭嗣後親祭

歷代帝王廟日。大駕鹵簿俱由廟門映壁外行。○乾隆元年議准。

帝王廟脯醢宜豐。加增鹿脯鹿醢鹿一。正殿仍用兔醢。兩廡易兔醢為醢醢。加增豕一。○二年奏准。帝王廟祭祀。向有爵無墊。應於奠獻時增用爵墊。○十四年覆准。

親祭

帝王廟行飲福受胙禮時。停止另設拜褥。○四十八

年。

高宗純皇帝親詣

帝王廟進正門由

景德門東左門至

景德崇聖殿東階下更衣幄次降輿盥洗畢由中階  
升殿行禮。四十九年。

命增祀

歷代帝王

詳禮部  
事例。

諭。明春增祀神牌入廟。即於春祭前一日安奉。祭日照  
常年春祭儀注舉行。不必另議。惟祭文內應將增祀

之處。交翰林院添撰數語。

### 遣官祭

歷代帝王廟禮節。先二日。視牲如儀。承祭官分獻。官暨文官。郎中武官。參領世爵。輕車都尉以上。均於邸第致齋。先一日。太常寺以祝版送內閣。恭書。受而藏諸廟內。

神庫。光祿寺少卿。御史禮部祠祭司官朝服視割牲。瘞毛血。有司供具。並如儀。祀日雞初鳴。承祭官及分獻官朝服。祇俟於廟。禮部侍郎入廟省菜畢。質明。承祭官王入景德左門。

領侍衛內大臣尚書等入

右升左階位於階上。領侍衛內大臣尚書等位階下。北面迎。

神贊就上香位。出入殿左門。承祭官分獻官及陪祀官。行三跪九叩禮。不飲福受胙。王公不陪祀。贊引以太常寺贊禮郎祝帛送燎。避立西旁東面。餘均如儀。○雍正二年奏准。

歷代帝王廟如遇遣官行禮照

日

月壇之例。停進齋戒牌銅人。不具奏。

皇帝時巡親祭

歷代帝王陵寢禮節。有司諏吉。豫期守土官潔除。

饗殿內外。扈從王公暨文武官陪祭。視

京師

歷代帝王廟。地方文官知府武官副將以上。與朝臣陪祭者。以其班序。先一日。

皇帝率羣臣齋。

行在太常寺官具祝版。

凡祭事皆行在有司兼贊。

送內閣中書

舍人敬書祝文於版。訖授太常寺官豫送祭所。是日昧爽。光祿寺卿一人視割牲。守土官於祭所神廚設香案。光祿寺卿公服上香。宰人牽牲告臚。遂及守土官視宰。瘞毛血如儀。祭之前夕。

工部官張黃幄於饗殿二門內之左。鑿儀衛官設洗於幄次。夜分。太常寺卿屬率守土官入饗殿具。

神位陳設。牛一。羊一。豕一。登一。鉶二。簋二。簋二。邊十。豆十。鑪一。鐙二。設案一於殿中。少西北嚮。供祝版。設案一於東西嚮。陳禮神制帛一。皀香盤一。尊一。罍勺具爵三。饗殿內正中為

皇帝拜位。北嚮。司拜褥官二人立於左。稍後。陪祀王公位階上。百官位階下。東西序立。重行異等。均北面。司祝。司香。司帛。司爵。分立祝案。尊案。之次。

記注官立西階下。東面。糾儀御史禮部祠祭司  
官引禮鴻臚寺官分立王公百官拜位左右。東  
西面。典儀一人立饗殿東檐下。西面。掌燎官率  
燎人立燎鑪之隅。祭日漏未盡。守土大吏率屬  
治道清蹕。自

行宮至祭所。泥埽無令塵揚。鑿儀衛官陳  
騎駕鹵簿於

行宮門外。領侍衛內大臣及內大臣率所部翊衛  
官。護軍統領宗人府王公率所部後管官。綵服  
分班於

行宮門外祇候。不陪祀。扈從官序列。

行宮門外。守土官序列。祭所門前道左。陪祀王公於饗殿大門外序列候。

駕至隨入。内外文武官於饗殿庭左右序列。執事官豫入就位。均綵服。屆時太常寺卿赴

行宮奏時。

皇帝龍袍袞服乘輿出。

行宮前引後扈。不陪祀。扈從官跪送如常儀。

駕至祭所。不陪祀。守土官跪迎。

皇帝於大門內降輿。右贊引。左對引。太常寺卿二人。



恭導

皇帝由二門中門入。至幄次少候。出盥。鑿儀衛官跪奉盥奉巾如儀。司拜褥官豫布拜褥。贊引對引官恭導。

皇帝升中階。入殿中門。詣拜位前立。內大臣侍衛止立階下。後扈大臣隨侍。鴻臚寺官引陪祀王公百官。按班均就拜位序立。典儀贊執事官各共乃職。贊引奏就位。

皇帝就位立。司香奉香。跪候於香案之左。贊引恭導皇帝詣香案前立。奏上香。司香進香。

皇帝上炷香。三上辨香畢。復位。奏跪拜興。

皇帝行二跪六拜禮。王公百官均隨行禮。典儀贊奠

帛爵。行初獻禮。司帛奉篚。司爵奉爵。以次詣

神位前。司帛跪獻篚。奠於案。三叩興。司爵立獻爵於

墊中。畢。各退。司祝詣祝案前跪。三叩。奉祝版跪

案左。贊引奏跪。

皇帝跪。羣臣皆跪。贊讀祝。司祝讀祝畢。興。奉祝版跪

安於篚內。三叩退。贊引奏拜興。

皇帝率羣臣行三拜禮。興。典儀贊行亞獻禮。司爵獻

爵於左。贊行終獻禮。司爵獻爵於右。均如初儀。

典儀贊奉祝帛送燎。司祝司帛詣

神位前咸跪。三叩。司祝奉祝。司帛奉篚。興。司香跪奉香。興。以次恭送燎所。

皇帝轉立拜位東旁。西嚮。俟過復位立。祝帛出。贊引奏禮成。暨對引官恭導。

皇帝降中階出中門。乘輿還。

行宮前列鹵簿導從。扈衛如來儀。陪祀官退。不陪祀。守土官仍於道左跪送。扈從官於

行宮門外跪迎如儀。○順治十六年。

親詣明崇禎帝陵。酌爵於陵前。越日。

御製祭文。遣官祭明十二陵。○康熙十五年。

駕幸昌平。過明十二陵。

躬親酌酒。越日復遣官讀文致祭。○二十八年。

聖祖仁皇帝南巡至會稽。有

旨議祭

禹陵。禮部以遣官致祭後恭請

親詣祭酒具奏。奉

旨。堯舜禹湯文武皆前代聖君。遣官致祭後方行親詣

祭酒。未為允協。

禹陵朕將親祭。祭文內可書朕名。○是年。

聖祖仁皇帝駕至江甯。

親詣

明太祖陵致祭。至大門前降輿。步入饗殿。行三跪九拜禮。至陵前祭酒三爵。行一跪三拜禮。○四十四年。

聖駕南巡。遣官致祭。

明太祖陵復

親詣行禮。是日導引官引向中門。

聖祖仁皇帝命自東角門入。

諭曰。此非爾等導引有失。特朕之敬心耳。既入。率

皇子及大臣侍衛等行禮。○乾隆十五年議准帝王陵寢。凡遇慶典。遣官致祭。禮有常經。

聖祖仁皇帝南巡。特於會稽

禹陵江甯

明太祖陵

親詣奠獻。此次

聖駕南巡。由江南至浙江。理合請

旨。照康熙二十八年

親祭之例舉行。一應禮神香帛祝版及祭器等項。應發

往者。由太常寺帶往。應豫備者。由太常寺如式

開明行文該地方官敬謹製辦以光祭典。又  
奏准。

聖駕親祭

禹陵

明太祖陵應行禮儀請照

親祭

少昊金天氏陵之例祭日。

御龍袍袞服行二跪六拜禮。扈從大小官員及守土官  
文官知府武官副將以上咸蟒袍補服。會集陪  
祀不陪祀各官咸蟒袍補服。跪候送迎均由太

常寺行文吏兵二部。轉傳文武各官。並行知江  
南浙江各督撫一例欽遵奉

旨。行三跪九拜禮。○三十六年。

聖駕巡幸山東。遣官致祭

少昊金天氏陵。復

親詣拈香行禮。是日

御行服乘輿。至

少昊金天氏陵門前降輿。由中門入。至殿內詣香案

前三上辨香。行三跪九拜禮。原進禮節係仍由  
二跪六拜。

原進門出升輿。○四十五年。



聖駕南巡遣官致祭

禹陵

明太祖陵仍復

親詣

明太祖陵行禮。是日

御行服乘輿。至二門外甬道前降輿。由中門入。進饗殿。行二跪六拜禮。扈從之三品以上官員。在二門內均隨行禮。○四十九年。

聖駕六舉南巡

駐蹕曲阜。

親詣

少昊陵行禮。至江甯。

親詣

明太祖陵奉

諭。禮部奏詣

明太祖陵儀注。三奠酒。每奠行一叩禮等語。前代陵寢。於經過時親詣拈香。自應較本朝

陵寢有別。然朕加隆前代。禮數從優。昨過曲阜。親詣

少昊陵

孔林。皆行二跪六叩禮。嗣後遇親詣前代陵寢拈香。

俱照此行禮。不必奠酒。著為令。○五十年。

高宗純皇帝

親詣明長陵奠酒。

御行服乘輿。進中門。至琉璃門降輿。至石五供前。三奠酒畢。行三拜禮。扈從之三品以上文武官員。在二門內均隨行禮。○五十五年。

聖駕東巡。遣官致祭。

少昊金天氏陵。

駕復親詣奠酒。是日。

御行服乘輿。進中門。由饗殿東旁門入。至陵前降輿。內

務府官豫設臺蓋於陵前正中。武備院官豫鋪拜褥。

駕升拜褥上。三奠酒畢。行三拜禮。扈從之王大臣。三品以上文武官員。均於二門外排立。隨行禮畢。

駕至原降輿處升輿。○嘉慶九年。

仁宗睿皇帝閱視明陵。

親詣長陵奠醢。

御行服乘輿。進祓恩左門。至琉璃左門外降輿。原進禮節係乘

輿進中門。至琉璃門內降輿。

至石五供前。三奠酒畢。行三拜

禮。文武大臣官員。除有執事外。均不隨往行禮。

巡幸所經遣官祇告

歷代帝王陵寢禮節。○豫期太常寺官具祝文香帛。授遣官齋往。守土官潔除饗殿內外。戒辦牲牢。器物備執事。司祝司帛司香司爵以府州縣佐貳官充。通贊以教諭訓導。引贊以學弟子員。遣官既至。及執事官齋。其夕宰人割牲於廚。地方官州若縣一人公服視宰。瘞毛血如儀。祭日昧爽。守土官入陳。

神位前牛一。羊一。豕一。登一。鉶二。簋二。簋二。邊十。豆十。鑪一。鐙二。設案於左。陳禮神制帛一。白香盤

一尊一爵三設案一於中少西供祝版設洗於階東引贊二人俟於門質明執事官豫入就位均朝服遣官朝服至祭所引贊引自殿垣左門入詣東階下盥至階中北面立通贊贊就位遣官就位贊就上香位引贊引遣官升東階入殿左門詣香案前司香跪奉香引贊贊跪遣官跪贊上香遣官上香畢興贊復位遣官仍降東階復位贊跪叩興遣官行三跪九叩禮通贊贊行初獻禮司帛奉篚跪獻於案三叩興司爵奉爵奠於正中各退贊讀祝引贊贊跪遣官跪司祝

至祝案前跪。三叩。奉祝版宣讀畢。復於案。三叩興。退贊叩興。遣官三叩興。通贊贊行亞獻禮。司爵獻爵於左。贊行終獻禮。司爵獻爵於右。均如初儀。引贊贊跪叩興。遣官行三跪九叩禮。通贊贊奉祝帛送燎。執事官各奉祝帛香由中道送燎如儀。遣官避立拜位東。俟過復位。引贊贊禮畢。引遣官仍由殿垣左門出。執事官皆退。○順治十六年。

聖駕幸昌平。遣官祭明十二陵。各禮神制帛一。牛一。羊一。豕一。陳香燭酒果。遣官上香奠帛獻爵讀祝。

行禮如儀。○康熙四十二年。

駕幸陝西。分遣官祭

周文王武王成王康王

漢高祖文帝宣帝光武帝

唐高祖太宗宣宗陵奉

諭。文王武王皆古之聖君。非他帝王可比。且向以

孔子聖人。已書朕名致祭。此祭文內亦須書朕名。

恭逢慶典遣官祭

歷代帝王陵寢禮節。○豫期有司諏吉日。禮部疏列

閣部院寺文職二品以下四品以上官之銜名。



候

旨分遣承祭將遣官。

皇帝致齋一日。遣官各齋於次。太常寺具禮神制帛。

色香祝文。

翰林院。隨時撰擬。

送禮部。禮部祠祭司官各

加封題。翼日黎明。遣官公服會於禮部。太常寺  
官設黃案於

中和殿。正中一。左右各一。均南嚮。鑾儀衛設龍亭

一於禮部堂上。正中。設香亭一於龍亭前。祠祭

司官恭奉祝文香帛。設龍亭內。校尉昇亭行。導

以

御仗香亭在前。龍亭在後。進

大清門中門。至

午門前亭止。禮部祠祭司官公服詣龍亭前跪三叩。恭奉祝文香帛。由

午門左門

昭德門至

中和殿。由中門入。陳祭文於正中黃案。陳帛左案。陳香右案。畢。跪叩如初奉時。由殿左門出。退立階下。直班記注官四人。序立於殿西檐下。導引太常寺卿二人。序立於殿北門外。禮部尚書侍

郎各一人。分立殿東西檐之次侍儀。又侍郎一人。率欽天監博士詣

乾清門奏時。

皇帝御袞服乘輿出宮。導從扈衛如常儀。至

中和殿北階上降輿。太常寺卿導引

御中和殿案前北嚮。徧

閱祝文香帛畢。

駕還宮。禮部祠祭司官奉祝文香帛出

午門。設龍亭內如來儀。所司徹案。校衛昇亭出。禮

部尚書侍郎從。至禮部。陳於堂上正中。遣官及

齋送香帛筆帖式。以次序立於堂左。禮部尚書一人於亭左立。祠祭司官詣亭前跪三叩。以次奉祝帛香授尚書轉授遣官。遣官跪受。興授筆帖式。依序由中門出。若非

親閱。太常寺具禮神香祝制帛。送禮部各加封題。禮部尚書率執事官屬暨遣官致齋一日。至日黎明。咸公服會禮部。祠祭司官設三案於堂上正中。奉祝文設於中案。香陳左案。帛陳右案。訖退。立案前左右贊事。禮部尚書一人。敬謹周視畢。以次分授遣官如前儀。遣官至所祭地。守土官

豫日供具備。執事人視牲。瘞毛血如儀。祭日陳設。遣官行禮儀節。與

時巡遣官祭告禮同。

欽定大清會典事例卷一千七十七

太常寺

禮節

春秋上丁

春秋

皇帝親釋奠於遠官釋奠於

先

先師禮節

因事祇告

臨

雍釋奠於先師禮節

先師禮

春秋上丁

皇帝親釋奠於

先師禮節。先二日。禮部尚書一人詣犧牲所視牲

如儀。致齋。書祝版。視祝版。儀均與

歷代帝王廟同。先一日。宰人豫鑿坎於宰牲亭之西。

國子監官設香案於宰牲門外。先祿寺少卿一

人朝服詣香案前上香。遂及御史禮部祠祭司  
官國子監監丞朝服視宰。宰人割牲以豆取毛  
血。瘞於坎。如常儀。將事前夕。國子監祭酒率屬  
潔謁殿內外。藉以椶薦拂拭。

神座。工部司官張大次於

大成門外之左。夜分。太常寺卿國子監祭酒各率  
其屬入。具器陳饗儀衛官設洗於大次之外。樂  
部率太常寺協律郎設中和韶樂於殿外兩階。  
金鑄鐘一。編鐘十六。在東。玉特磬一。編磬十六。  
在西。皆懸以虞業。東應鼓一。祝一。麾一。西敔一。

東西分列琴六瑟四蕭六笛六篪四排蕭二塤  
二笙二搏拊二旌二羽籥三十有六。

先師位前牛一羊一豕一登一鉶二簋二籩二豆十。鑪一。鐙二。

四配位前各羊一豕一鉶二簋二籩二豆八。鑪一。鐙二。

十二哲位前各鉶一簋一籩一豆四。東西各  
羊一豕一。鑪一。鐙二。殿中少西設一案。北嚮。供  
祝版。其南東設一案。西嚮。陳禮神制帛九。白香  
盤四。尊四。爵二十有七。案之北稍次又設一案。



西嚮。陳福胙。西設一案。東嚮。陳禮神制帛八。香盤三。尊三。爵二十。有四。案之北稍次。又設一案。東嚮。接福胙。凡牲。陳於俎。凡帛。

正位

四配異篚。

十二哲東西共篚。凡尊。實酒承以舟。疏布幕。勺具。東廡二位同案。每位爵一。實酒。每案蓋一。蓋一。籩四。豆四。

先賢案前。羊二。豕二。香案一。鑪一。鐙二。

先儒案前。羊一。豕一。香案一。鑪一。鐙二。設案一於

南。北嚮。陳禮神制帛二。香盤二。尊三。虛爵六。俎  
篚。簠。勺。具。西廡陳設同。

崇聖祠

正位前各羊一。豕一。鉶二。簋。簋各二。籩。豆各八。鑪一。  
鐙二。

配位前各簋一。簋一。籩四。豆四。東西羊豕各一。鑪  
一。鐙二。中少西設一案。供祝版。東設一案。陳禮  
神制帛六。白。香盤六。尊四。爵十有八。西設一案。  
陳禮神制帛四。香盤四。尊三。爵十有二。兩廡東  
二案。西一案。每位爵一。實酒。餘陳設簋。簋。籩。豆。

羊豕鑪。如配位之數。各南設一案。陳禮神制  
帛一。香盤一。尊一。虛爵三。俎篚。簠。勺。具。太常寺  
官設洗於階下之東。如式。太常寺博士引禮部  
侍郎一人入廟。恭詣

大成殿。周有棗。盛。及。籩。豆。登。鉶。之。實。次詣兩廡省  
畢。引詣

崇聖祠正殿及兩廡省視如儀。行禮位。殿門內正  
中。為

皇帝拜位。北嚮。階下甬道左右。為分獻官拜位。正殿  
分獻官六人在前。兩廡分獻官四人在後。均北

面陪祀王公位階上東西各二班。百官位階下分獻官之南。東西各五班。重行異等。東位西上。西位東上。均北面執事位。鑿儀衛司拜褥二人。立於

皇帝拜位之左稍後。太常寺司祝一人。立祝案西。東面。司香四人。奉福酒。福胙。光祿寺卿二人。司帛四人。司爵九人。唱賜福胙官一人。立東案之東。西面。司香三人。司帛三人。司爵八人。接福酒。福胙。侍衛二人。立西案之西。東面。侍儀禮部尚書侍郎各一人。都察院左都御史副都御史各一

人。樂部典樂一人。分立東西。案之南。東西面。太常寺典儀一人。立殿左門外。西面。司樂協律郎。樂工歌工文德之舞六佾。於階上。樂懸東西序立。記注官四人。於西階下序立。糾儀御史四人。禮部祠祭司官四人。引禮鴻臚寺官四人。分立王公百官拜位之次。掌燎官率燎人立於燎鑪之隅。兩廡國子生司香司帛司爵東西各二人。序立南案之南。均北面。承祭。

崇聖祠官拜位在階下。分獻官四人。拜位在承祭官後。讀祝拜位在殿中門檻內。均北面。太常寺。

司祝掌燎典儀各一人。正殿國子官司司香十人。司帛十人。司爵十人。兩廡國子生司香司帛司爵。每案各一人。立位與前儀同。其日五鼓步軍統領率所部清蹕除道。自

東華門至

廟門。

御道左右途巷皆設布幃。鑿儀衛陳

法駕鹵簿。不陪祀王公百官。朝服咸會。祇候送

駕如儀。日出前六刻。司祝恭請祝版。設於祝案。太常

寺卿赴

乾清門奏時。

皇帝御祭服乘禮輿出宮。前引後扈如常儀。  
駕發警蹕。

午門鳴鐘鼓。

駕出東華門。導迎樂前引不作。執鑪銜官左右騎導。  
如詣

日壇之儀。

駕將至。太常寺贊禮郎豫引

四配兩序兩廡分獻官十人於

大成門西側門外序立。鴻臚寺官豫引陪祀王公。

於廟左右門外序立候。

駕至隨入引陪祀百官入。

大成門左右側門。豫於行禮位稍南東西序立祇候。

駕至廟門外降輿。右贊引左對引太常寺卿二人恭導。

皇帝由中門入。就大次少俟。太常寺卿奏請行禮。

皇帝出次盥。鑿儀衛官跪奉盥奉巾如儀。司拜禱官豫布拜褥於殿門內正中。贊引對引官恭導。

皇帝入。



大成中門升階進殿中門至拜位前北嚮立前引  
內大臣止立殿檐下提鑪官執鐙官侍衛均於  
階下止立後扈大臣隨侍贊禮郎引分獻官東  
西各五人於甬道左右鴻臚寺引陪祀王公升  
東西階引百官於庭中左右均就拜位北面序  
立典儀贊樂舞生登歌執事官各共乃職文舞  
執羽籥進贊引奏就位。

皇帝就位立典儀贊迎

神司樂贊舉迎

神樂奏昭平之章樂作贊引奏就上香位及對引官

恭導

皇帝詣

先師香案前。對引官至。祝案前止立。司香跪進香。贊引奏上香。

皇帝上炷香。次三上瓣香。畢。奏復位。對引官恭導皇帝復位。奏跪拜興。

皇帝行二跪六拜禮興。王公百官均隨行禮。樂止。典儀贊奠帛爵。行初獻禮。司樂贊舉初獻樂。奏宣平之章。樂作。司樂舉節。舞羽籥之舞。有司揭尊。司爵一人奉篚。司爵一人奉爵。

以次詣

先師位前。司帛跪獻篚。奠於案。三叩興。司爵獻爵。奠於墊中。皆退。左右司香六人奉香盤。司帛六人奉篚。司爵十六人奉爵。進至

四配

十二哲位前。贊禮郎引正殿分獻官升東西側階入殿。左右門至各

神位前。上香奠帛獻爵如儀。仍由殿左右門出。降階復位。兩廡司香司帛奉香盤帛篚各進至香案前。贊禮郎引分獻官上香奠帛。司爵由南案

前奉爵。東西序進。各詣

先賢

先儒位前。獻爵畢。皆退復位。司祝至祝案前跪。三叩。奉祝版案左。樂暫止。贊引奏跪。

皇帝跪。羣臣皆跪。贊讀祝。司祝讀祝畢興。奉祝版跪安。

先師位前籬內。三叩興。退。樂作。贊引奏拜興。

皇帝率羣臣行三拜禮。興。樂止。典儀贊行亞獻禮。司

樂贊舉亞獻樂。奏扶平之章。樂作。司爵奉爵詣

先師位前。恭獻於左。贊禮郎引分獻官詣

四配

十二哲兩廡隨分獻如初。樂止。典儀贊行終獻禮。司樂贊舉終獻樂。奏敘平之章。樂作。司爵奉爵詣

先師位前。恭獻於右。

四配

十二哲兩廡均隨分獻。如亞獻儀。樂止。文德之舞退。典儀贊徹饌。司樂贊舉徹饌樂。奏懿平之章。徹畢。樂止。典儀贊送

神。司樂贊舉送

神樂奏德平之章。贊引奏跪拜興。

皇帝率羣臣行二跪六拜禮興。樂暫止。典儀贊奉祝帛。饌送燎。司祝司帛詣

先師位前咸跪。三叩。司祝奉祝。司帛奉篚興。司香跪奉香。司爵跪奉饌。興。以次由中道出。恭送燎所。皇帝轉立拜位旁。西嚮。俟祝帛過。

皇帝復位立。

#### 四配

十二哲兩廡香帛饌均送焚燎。太常寺贊禮郎引分獻官退。鴻臚寺官引陪祀王公百官退立拜。

位東西樂作贊引奏禮成暨對引官恭導

皇帝仍由

大成中門升輿樂止。

法駕由簿前導導迎樂作奏祐平之章不陪祀王

公百官仍朝服祇候

駕至跪迎。

午門鳴鐘樂止王公隨

駕入至內金水橋恭候

皇帝還宮各退太常寺官撤

乾清門齋戒牌銅人送寺。

崇聖祠同時遣官致祭。贊引太常寺贊禮郎引承祭官入祠垣左門。分獻官隨入。承祭官詣階下盥手。典儀贊執事官各司其事。贊禮郎贊就位。引承祭官分獻官就位。典儀贊迎。

神。司香奉香盤就各香案前立。贊禮郎贊升階。引承祭官升東階入殿左門。贊詣。

肇聖王位前。贊跪承祭官跪。贊上香。司香跪奉香。承祭官上炷香。次三上辨香。興。次詣。

裕聖王

詔聖王



昌聖王

啟聖王位前跪。上香儀同。降階復位。贊禮郎引分獻官升東西階入殿左右門。分詣

配位前跪。上香如儀。降階復位。引兩廡分獻官分詣兩廡。

從位前跪。上香復位。均如前儀。贊禮郎贊跪叩興。承祭官分獻官行三跪九叩禮。興。典儀贊奠帛爵。行初獻禮。贊禮郎引承祭官升階。贊詣中案前。贊跪。承祭官跪。司帛跪奉篚。承祭官受篚。拱舉以授司帛。興。奠於案。司爵跪奉爵。承祭官受

爵拱舉以授司爵。興奠於墊中退。興以次詣左  
右正案前跪。奠帛獻爵儀同。贊禮郎贊就讀祝  
位。引承祭官詣拜位立。司祝至祝案前跪。三叩。  
奉祝版跪案左。贊跪承祭官分獻官皆跪。贊讀  
祝。司祝讀祝畢。興奉祝版跪安。

肇聖王位前篚內。三叩興退。贊禮郎贊叩興承祭官  
分獻官行三叩禮。興贊復位。引承祭官退。降階  
復位。贊禮郎引正殿分獻官升東西階入殿左

右門詣

配位前。引兩廡分獻官分詣兩廡

從位前跪奠帛獻爵興復位均如正獻儀亞獻各獻爵於左終獻各獻爵於右均如初儀典儀贊徹饌有司徹饌畢贊送

神贊禮郎贊跪叩興承祭官分獻官行三跪九叩禮興典儀贊奉祝帛饌送燎司祝司帛司香司爵各奉祝帛香饌以次恭送燎位如儀承祭官避立西旁俟過復位贊禮郎引詣燎所視燎贊禮畢仍引由祠垣左門出各退○雍正四年議准視學釋奠禮儀載在會典惟春秋二祭均遣大學士行禮向未載有

親詣禮節。今

特旨親詣行禮。為尊師重道之曠典。所有陳設犧牲。遵  
豆。仍用春秋丁祭禮儀。仿照雍正二年

視學釋奠行二跪六拜禮。立獻帛爵一次。不讀祝文。不  
飲福受胙。

四配位前。遣尚書四人分獻。

十二哲及兩廡。遣侍郎四人分獻。○又奏准。

視學釋奠舊儀。不讀祝。今

親詣行禮。照康熙二十三年

親祭

先師闕里讀祝文致祭行禮。○是年仲秋丁祭。

世宗憲皇帝親詣行禮畢。

諭太常寺卿孫柱儀注內開獻帛進酒皆不跪。朕今跪獻。非誤也。若立獻於

先師之前。朕心實有不安。將此諭衆知之。○十一年。

世宗憲皇帝親祭

先師孔子迎

神時三上香。

諭禮部嗣後親詣行禮。於香案前行三上香禮。○乾隆

三年

諭。今年春祭。

先師孔子。朕降旨親詣行禮。舊例春秋二祭皆遣官。  
我

皇考尊師重道。始定親祭之禮。今覽太常寺奏進儀注。  
朕躬獻爵一次。其亞獻三獻之爵。則豫設於案。朕思  
既行親祭。仍當從三獻之儀。著太常寺重繕儀注進  
呈。四十八年。

高宗純皇帝親祭

先師孔子。祭日。由成賢街進集賢門。入持敬門。進

大成門。西右門。至。

大成殿階下幄次相對處降輿。出幄次盥洗畢。由

中階升

殿行禮。○嘉慶二十二年。

仁宗睿皇帝親祭

先師孔子。祭日。由成賢街進集賢門。入持敬門。至

大成門外海墁之西。鋪設椽薦處降輿。步入

大成殿行禮。○道光八年

諭。前因回疆底定。應行告功典禮。曾經降旨釋奠

先師孔子。著於明春舉行。昨太常寺具題。道光九年

致祭

先師孔子。止係照例題請遣員行禮。何以未將前降諭旨聲敘。著太常寺堂官明白回奏。明年二月初三日釋奠典禮。朕當親詣舉行。著各該衙門照例豫備。

○又

諭朕明春親行釋奠典禮。係在丁祭之日。應即用丁祭儀注。由該衙門呈。○光緒二十年奉旨。

文廟禮節內添入飲福受胙。欽此。遵

旨議奏。增添唱賜福胙官一員。立於東旁本寺司爵官之次。奉福酒福胙。應用光祿寺堂官二員。立



於東旁本寺司香官之次。均西嚮。接福酒福胙  
用侍衛二員。立於西旁東嚮。其福胙卓陳設在  
大成殿內東旁樽卓之北稍次。西嚮。接福胙卓陳  
設在西旁樽卓之北稍次。東嚮。

春秋上丁遣官釋奠於

先師禮節。○承祭官分獻官。暨陪祀官均致齋二日。  
豫期視牲。視割牲皆如前儀。先一日。太常寺官  
具祝版送內閣。恭書

皇帝遣某官某致祭。餘辭同。受而供諸廟內。祝案行  
禮如儀。祭日。陳設牲帛器數均如前儀。設福胙

於殿內東案尊爵之旁。加爵一。設洗於階下之東。禮部侍郎省菜如儀。承祭官拜位。親王郡王在階上。大學士在階下。讀祝受福。胙拜位。在殿中門檻內。分獻官在甬道左右。陪祀官在廟庭左右。均北面。司香司帛司爵。

### 大成殿

### 正位

配位。以國子監監丞。助教。學正。學錄等官充。兩序兩廡暨

崇聖祠。殿廡。均以國子生充。序立各如前儀。奉福

昨國子生二人。立於東案之東。西面。接福。昨國子生二人。立於西案之西。東面。雞初鳴。承祭官分獻官。彖集於持敬門內。致齋所。太常寺贊禮郎十有四人。俟於持敬門內。均朝服。昧爽。贊禮郎二人。引承祭官入門。觀王郎王入大成門右門。大學士入左側門。又四人。分引兩序分獻官。又八人。分引兩廡分獻官。隨入至階。東盥手畢。詣拜位前立。鴻臚寺官引陪祀官咸詣拜位序立。典儀贊樂舞生登歌。執事官各共乃職。文舞六佾進。贊禮郎贊就位。引承祭官分獻官就位立。典儀贊迎。

神。司樂贊舉迎。

神樂奏昭平之章。贊禮郎贊就上香位。引承祭官升東階入殿左門。贊詣

先師香案前跪。承祭官跪。贊上香。司香跪奉香。承祭官三上香。畢興。以次詣

四配位前跪。上香儀同。贊復位。引承祭官退。降階復位。初迎。

神時。贊禮郎分引東西序分獻官各一人。升東西階入殿左右門。詣

十二哲位前跪上香。退。降階復位。引兩廡分獻官

東西各二人分詣

先賢

先儒位前跪上香。退復位。均如前儀。贊禮郎贊跪  
叩興。承祭官分獻官暨陪祀官行三跪九叩禮。  
興。樂止。典儀贊奠帛爵。行初獻禮。奏宣平之章。  
舞羽籥之舞。贊禮郎引承祭官升階。贊詣

先師位前跪。承祭官跪。司帛跪奉篚。承祭官受篚。拱  
舉以授司帛。興。奠於案。司爵跪奉爵。承祭官受  
爵。拱舉以授司爵。興。奠於塾中。退。承祭官興。贊  
禮郎贊就讀祝位。引承祭官至殿中拜位立。贊

跪。承祭官分獻官暨陪祀官皆跪。贊讀祝。司祝跪讀祝如儀。承祭官分獻官暨陪祀官均行三叩禮。興。贊禮郎引承祭官以次詣

四配位前跪。奠帛獻爵儀同。退。降階復位。贊禮郎分引兩序分獻官。升東西階。入殿左右門。詣

十二哲位前跪。奠帛獻爵興。退。降階復位。均如儀。引兩廡分獻官分詣

先賢

先儒位前。奠帛獻爵。退復位。儀同。樂止。亞獻。奏秩平之章。舞同初獻。贊禮郎引承祭官升階。贊詣

先師位前暨

四配位前。奠爵於左。如初。兩序兩廡隨分獻畢。均復位。樂止。終獻。奏敘平之章。舞同亞獻。贊禮郎引承祭官升階。奠爵於右。如亞獻儀。兩序兩廡隨分獻畢。均復位。樂止。舞退。典儀贊飲福受胙。贊禮郎贊詣受福胙位。引承祭官至殿中拜位立。奉福胙二人自東案奉至。

先師位前拱舉退。立於承祭官之右。接福胙二人自西案進立於左。贊跪承祭官跪。贊飲福酒。右一人跪遞福酒。承祭官受爵拱舉。以授於左。接以

興。次受胙如飲福之儀。贊叩興。承祭官三叩興。  
贊復位。引承祭官退。降階復位。贊跪叩興。承祭  
官分獻官暨陪祀官均行三跪九叩禮。興。典儀  
贊徹饌。奏懿平之章。徹畢。樂止。贊送。

神。奏德平之章。贊禮郎贊跪叩興。承祭官分獻官暨  
陪祀官均行三跪九叩禮。興。樂暫止。典儀贊奉  
祝帛饌送燎。有司各奉祝帛饌恭送燎所如儀。  
承祭官避立拜位西旁。俟過復位。樂作。贊禮郎  
引承祭官詣燎所視燎畢。仍引出門。親王郡王

門右門大學士出左側門。樂止。陪祀各官皆退。

出親王郡王大成



崇聖祠正殿及兩廡陳設承祭官分獻官行禮儀  
節同前。○順治二年定。每歲春秋仲月上丁日。  
祭

先師孔子。遣大學士一人行禮。翰林官二人分獻。國  
子監祭酒祭

啟聖公於

啟聖祠。

護崇聖祠。

啟聖祠。後改

啟聖公加封

崇均以

先賢

先儒之先世配饗從祀。自後每年二月八月上丁  
日致祭。如遇有事。改次丁或下丁。通行府州縣

衛各學遵行。○雍正二年議准。

大成殿

四配

十一哲

謹案後以有子若升祀於大成殿為十二哲。每位一案。兩廡二

位共一案。

崇聖祠

四配異案。

謹案後以孔氏孟皮配於東配位之上增設一案。

兩廡二位

共一案。內有單位者。仍獨設一案。○五年奏准。

本年秋祭

文廟。據欽天監擇於八月初九上丁日致祭。是日恭

遇

太宗文皇帝忌辰。會典內開每年二月八月上丁日致

祭

文廟。如遇有事。改次丁日或下丁日。今本年八月初九日上丁。既遇素服之期。即改於十九日次丁致祭。○乾隆元年議准。

先師廟脯醢宜豐。鹿脯鹿醢。加增鹿二。

正位

四配及

崇聖祠

正位。仍用兔醢。

十一哲兩廡。

崇聖祠

配位兩廡。易兔醢為醢醢。加增豕二。再祭。

先師廟於前。一日陳設。與各處例不畫一。交太常寺照例辦理。○二年奏准。

先師廟祭祀時。向有爵無墊。嗣後於奠獻時。增用爵墊。○十一年議准。

崇聖祠

四配位前。

謹案後增為五。配位

增分獻官國子監助教二

人贊引官太常寺贊禮郎二人。其陳設四案。增帛二爵六。議案後增為五案。並增帛一爵三。以備典儀。以昭誠敬。○十八年奏准。太學春秋丁祭。

大成殿內

十二哲暨兩廡。向皆於各位前。豫奠一爵。其分獻官行三獻禮。則統奠三爵於案。以太常寺執事人不充。數故也。嗣後丁祭。

十二哲兩廡三獻。均令肄業諸生奉爵。令東西分獻翰林官各奠三爵。其分獻國子監官四人。亦如

帝王廟之例。各奠三爵。以光祀典。○又議准。太學春  
秋丁祭。

大成殿內

十二哲東西各豕首一。每位豕肉一盤。兩廡

先賢

先儒一百二十三位。東西各豕首六。每位豕肉一  
盤。

崇聖祠配位東西各豕首一。及兩廡每位各豕肉  
一盤。共用豕二十有九。徒為煩瑣。而陳設之處  
不足以昭整肅。謹案乾隆十三年。

聖駕東巡。

親祭

先師孔子照

闕里春秋丁祭禮。

十二哲東西各少牢一案。兩廡各少牢三案。

崇聖祠配位兩廡東西各少牢一案。又考順天府府學每年丁祭。

十二哲東西各少牢一案。兩廡各少牢二案。較太學現行之例。轉覺整齊。應將太學春秋丁祭。照闕里牲品畫一改正。以與典儀相稱。又

十二哲東西各篚一帛一。未免太簡。嗣後照

崇聖祠配位各異帛之例。每位帛一。東西共篚二。以昭畫一。又按兩廡位次皆東西嚮。

先賢

先儒南北分列。向於牆壁中間空處設案。案上供  
豕首六。皆倚於壁前。設香帛案。分獻各一人。皆  
向牆壁空處奠獻。於禮未協。嗣後照

帝王廟分獻之例。兩廡各用分獻官二人。各增香帛  
一案。俾得就位行禮。以嚴昭格。○三十三年。增

設



先師位銅燭臺二。增設

十二哲香案二。銅鑪二。銅爵四。○五十二年奉

旨太常寺堂官參奏劉墉遣祭

文廟未行一揖禮一摺。從前朕為皇子時。曾經致祭文廟。記所行儀注。並無一揖之禮。今禮部所用儀注。仍有此一揖。自係相沿。未經改定。劉墉於祭祀時以一揖之禮不可行。未經照例行禮。該堂官固應據實參奏。但此一揖之禮。俱在上香獻爵飲福受胙之後。本係小節俗禮。劉墉未經遵行。尚非大過。姑免交部。但劉墉之意。既以為斷不可行。自應奏明更改。乃並

未陳奏。而於向用儀注率任臆改。此則非是。至相沿一揖之禮。本不可行。嗣後著於儀注內改正。以昭誠敬。○嘉慶七年奏。八月十九日祭。

先師孔子。改於初九日致祭。奉

旨依議。嗣後大祀中祀。如遇遇忘辰。當以祀典為重。不必改移祭祀日期。用昭虔肅。○道光二十二年奉

旨嗣後致祭

先師。著太常寺將滿漢大學士協辦大學士六部尚書通行開列。具題請旨。

臨雍釋奠於

先師禮節。既諏吉。先二日。

皇帝乃齋。王貝勒貝子公文三品武二品以上官翰  
林院詹事府四品以下七品以上國子監官行  
聖公及五經博士陪祀。至京者咸致齋。視牲視  
割牲。與上丁釋奠禮同。至日夜分。太常寺卿國  
子監祭酒率其屬入

大成殿及兩廡陳設。不供祝版。餘陳設器數及省  
菜與上丁禮同行禮位。

皇帝拜位在殿門內正中。北嚮。分獻官位階下甬道  
左右。陪祀王公位階上。東白各二班。百官位階

下分獻官之南。翰林詹事暨國子監官均陪祭。東西各七班。翰林詹事官在東。國子監官在西。衍聖公在東班之首。五經博士孔氏族五人。顏曾等氏族各三人與現官京師者在東班官之末。均北面。餘執事官序位與上丁禮同。

駕將至。國子監祭酒司業率屬朝服。國學生吉服。序列於成賢街道左跪迎。

駕至廟門外降輿。右贊引左對引。太常寺卿二人恭導。

皇帝由中門入。就大次少俟。太常寺卿奏請行禮。

皇帝出次盥畢入

大成中門升階入殿中門就位。國子監官由右側門入。暨陪祀王公百官均就拜位序立。如上丁釋奠之儀。典儀贊迎。

神司樂贊舉迎

神樂奏昭平之章。贊引奏跪拜興。

皇帝行二跪六拜禮。王公百官均隨行禮。樂止。典儀贊行釋奠禮。司樂贊舉釋奠樂。奏宣平之章。有司揭尊罍。勺挹酒實爵。司帛奉篚。司爵奉爵。以次恭就。

皇帝之右。司帛跪奉篚。

皇帝受篚拱舉。授司帛。接以興。奉詣

先師位前。跪獻於案。退。司爵跪進爵。

皇帝受爵拱舉。授司爵。接以興。奉詣

先師位前。奠於正中。退。贊禮郎引正殿分獻官升東

西階。入殿左右門。詣

四配

十二哲位前。奠帛獻爵如儀。出降階復位。引兩廡

分獻官詣

先賢

先儒位前。奠帛獻爵出復位均如儀。樂止。典儀贊

送

神。司樂贊舉送

神樂。奏德平之章。贊引奏跪拜興。

皇帝率羣臣行二跪六拜禮。興。典儀贊奉帛送燎。司

帛詣

先師位前跪。三叩奉篚興。由中道出送燎。贊禮郎引  
分獻官。鴻臚寺官引陪祀王公百官退立拜位  
兩旁。贊引奏禮成。暨對引官恭導

皇帝出殿中門降中階。至

大成門外入大次更衣樂止

皇帝出次升輿詣彝倫堂講書畢

駕還宮。○順治九年奏准。

視學釋奠之禮。至日早。工部設更衣大次於

大成門外之左。南嚮。陪祀文武官先詣廟庭左右

恭候。咸朝服。東西面序立。

駕出長安左門。至成賢街門。國子監祭酒司業率學

官貢監生朝服跪迎街左。

駕至廟門外降輿。引官恭導。由中門入。至更衣大次

少憩。太常寺奏請行禮。



皇帝出大次盥洗入。

大成中門升階入殿中門北面立。分獻官入右側門。至階下夾甬道立。王公入左右門。由中階左。右升。文武官豫由左右側門入。按翼於東西序立。均北面。衍聖公在東班之首。五經博士及五氏有官者。以其官序。諸生在東班之末序立。迎神上香行二跪六拜禮。王公百官均隨行禮。司帛跪進篚。

皇帝受篚拱舉。仍授司帛奠於案。司爵跪進爵。

皇帝受爵拱舉。仍授司爵獻於

神位前。樂三奏。酒一獻。不讀祝。送。

神行禮如前。釋奠畢。出。

大成門。入。大次更衣。

御彝倫堂講書禮成。

駕還宮。

因事祇告

先師禮節。遣官一人將事。暨執事官均致齋一日。  
豫期。太常寺設案一。於

大成殿正中。少西北嚮。翰林院具祝文。太常寺卿  
送內閣恭書。受而供諸殿內案上。行禮如儀。至

日。

先師位前。陳鹿脯。鹿醢。兔醢。榛栗。葡萄。桃。實。蓮。實。鑪。鐙具。設一案於東。陳禮神制帛一。香盤一。尊一。爵三。太常寺司祝一人。立於案西。東面。司香一人。司帛一人。司爵一人。立於案東。西面。設洗於階下之東。雞初鳴。承祭官豫俟於持敬門內齋所。贊引太常寺贊禮郎二人。俟於門內。均朝服。質明。引承祭官自

大成門左側門入。盥手。就位。上香。讀祝。行三獻禮。升降進退。均與春秋上丁遣官禮同。